

ARUBA ANSE COURANT



Diario



pa Aruba

TRY.....
Tropical Cherry
a fine NEW softdrink
from
Tropical Bottling Co.
call: 1773

Instala aireacondi
cionado na Bo
Cas AWOR!!



tel. 2170

ANJA 20

DIABIERNE 24 APRIL 1959

Nr. 3418

Ultimo noticia di LA ESPERANZA N.V.. LA ESPERANZA a bolbe rebaha hopi mas articulos e siman aki. Bishita LA ESPERANZA y convence bo mes cu pa prijsnan barata no tin igual

Gabinete nobo forma pa prof dr De Quay probable lo worde anuncia awe

Despues di tres siman di esfuerso pa formacion dje gabinete

DEN HAAG: — Te cu ayera ainda e decision, cu opinion publico Hulandes tabata spera den e esfuersonan di Prof. Dr. De Quay, pa forma un gabinete, ainda no a cai. Prensa a scribi si, cu ta probable cu e gabinete nobo lo worde anuncia awe.

Despues di 3 siman di esfuerso pa forma un gabinete nobo. Sin embargo „Nieuwe Rotterdamse Courant” a scribi den un resumen di su informacionnan di circulacion politico na Den Haag, cu ningun hende no mester ta mucho optimista ainda, respecta un solucion liber.

E corant aki menciona cu otro circulacion di opinion publico, a referi na e dificultadnan cu ta existi ainda rond e ministerionan di finanzan y asuntonan economico — puntonan cardinal den e formacion naki. Ta cirula rumor, segun cual mr C. Beerman, e candidato di Union Cristian-Historico pa asuntonan interior, a reitra su mes, asina ta cu fin dje esfuersonan pa forma un gabinete no a yega ainda.

Pronosticacionnan pa e gobierno nobo

E portavos dje formador di gabinete di Hulanda a informa ayera nochi laat: despues cu e formador di gabinete a ser informa awe tardi di parti di e partidonan Anti-Revolucionario y Cristian-Historico, dje reaccionnan den e circulacion ey riba su sugestionnan pa solucionacion e dificultadnan, el a ricibi e opinionnan dje mes asunto aki den e circulacion di KVP y VVD, awe nochi.

Despues di a studia e contestanan aki e formador lo determina su preferencia dje posibilidadnan existente y el lo sigui su trabao di formacion en acuerdo cu esey.

Entre tantu hopi corant Hulandes ta

spera, cu prof. De Quay lo termina su esfuersonan cu exito awe of majan. Casi tur e pronosticacionnan tocante di su gobierno nobo ta mas o menos como lo siguiente:

6 miembr di KVP:
Prof. De Quay, ministro-presidente.
Srta. Dr Klompe, trabao social.
Mr. Cals, educacion, arte y ciencia.
Mr Luns, asuntonan exterior.
Prof. Van der Grinten, husticia.

Mr Van Campen, asuntonan economico.

3 miembro di Partido Liberal:
Prof Witteveen, Finanzien.
Drs. Kortbals, trafico y awa.
Drs Van den Bergh, defensa.

2 Anti-Revolucionario:
Drs Hazenbosch, asuntoan social.
Mr Van Aartsen, construccion y acomodacion di pueblo.

1 miembro di Partido Cristian-Historico:
Mr Beerman, asuntonan interior.

Departamento di agricultura lo worde duna na un figura neutral of na Ir S. Herweijer, kende ta simpatisa Partido Cristian-Historico, pero no ta miembro dje partido eya.

LIDERNAN PA HUBENTUD TA COOPERA CU OTRO

ORANJESTAD — Dia 17 di April u.p. prome bez den historia di trabaoan pa hubentud na Aruba, a worde teni un reunion entre tur e lidernan di hubentud di diferente organizacionnan. Durante e conferencia aki na Trocadero, nan a decidid pa cada organizacion paga extra atencion na training di lidernan di hubentud den nan mes club.

Aspasa cu cada club lo hasi esaki na su manera, lo tin un contacto continuamente cu otro clubnan y na wida ta necesario nan lo solucionaciona diferente problemantan, dunando consejo y ide; un uno cu otro.

Na e prome reunion aki tabata presenta frere Andres, frere Edgard y frere Leo representando Jeugdcentrale La Salle y e clubnan catolico; senjores B. Viapreé y A. Larmontie representando clubnan juvenil di Methodistanan; senjores I. Heyliger y O. Sarran representando clubnan juvenil di Anglicanonan; senyor Tom Hagerty como representante di e Sociedad di Salud Mental; senyor E. Oduber pa padvinderij; senyor Seferiaan Luydens pa Centro Juvenil y Ralph Papa pa YMCA. Tabatin diferente otro hende mas invita pa e ocasion aki, pero nan

no a presenta lastimamente. En todo caso lo tin seis dje reunionnan aki mas, di cual e siguiente ta propone pa dia 4 di Mei proximo den Lago Reception Center pa 7.30 p.m.

Programa di Radio-Kinderkoor

ORANJESTAD — Muziekschool ta informa nos: Teksto di e canticanan cu Radio Kinderkoor lo canta awe tardi 6'or via Radio Kelkboom. Proma: „O. jongens als 'k rijk was”.

O. jongens, al 'k rijk was, ik wist wat ik dee;
'k Nam jullie, mijn vriendjes naar de stad zeker mee.
'k Zou kopen voor ieder een lekkere kook;
Niet zo lang, niet zo lang, maar zó lang!
O. jongens, al 'k rijk was, ik wist wat ik dee;
'k Gaf ieder een gulden, je moeder kreeg twee.
Maar zie, och ik zelf heb geen beursje met geld;
Niet zo veel, niet zo veel, maar zó veel.

Y despues nos lo ripiti e canticanan: „Riba seru di biento” (debutante: Dorian Engelkens), „Daar waren twee dappere dwergen” (debutante: Richard Eman), „'k Heb een rood rood spiegelje gevonden”.

Examen curso „Archiefverzorging” 27 y 28 April

ORANJESTAD — Manera ta conoci pa peticion di Bestuurscollege, senjores J. de Haas y P. v.d. Plas a cuminsa un curso di „Archiefverzorging” dia 23 di Januari u.p. na cual mas o menos treinta cursista a duna nan nomber, mayoria di nan empleadonan di gobierno.

E parti por escrito di examen y e parti oral pa e cursistanan aki lo tuma lugar respectivamente dia 27 di April di 9—11'or a.m. y dia 28 di April di 8—12'or.

Senyor L. Kerstens, Eilandssecretaris, lo entrega e diplomanan dia 28 di April pa 3'or di atardi den sala di reunion di Eilandsraad na esnan cu a pasa nan examen cu bon resultado.

Celebracion prome aniversario Centro Juvenil T.L.

TANKI LEENDERT — Diadomingo atardi proximo pa 5'or y mei muchanan di 6—13 anja lo cuminsa cu celebracion di prome aniversario di e Centro Juvenil na Tanki Leendert. Lo tin musica hopi cos dushi, y hopi coi' bebe pa tur. Te hasta lo tin un presentacion di e mago Walter Wong. Despues cu fiesta dje muchanan caba, pa 8'or lo cuminsa fiesta pa e mayornan, cual tambe lo tin tur oportunidad pa goza durante dos ora y mei largu.

Mas actividadnan di Y.M.C.A.

ORANJESTAD — Bao direccion di senyor A. E. Beyde pronto nan lo principia cu lesanan di gymnastiek den club di YMCA na San Nicolas.

Pa e puestamento di fli Anja di La Reina, cantidad di muchanan a enscribi nan nomber caba, apesar cu ainda tin espacio den larja pa mas fli!

Dia 4 di Mei proximo nan lo cuminsa cu e club di fotografia pa muchanan di tur edad, como instructor lo ta senjores Otto Antersijn y Edward Odor. Tur miembronan di Y. sin excepcion sea cu nan sa algu di fotografia caba of no a saca un portret nunca, por participa den e curso aki.

Por ultimo tin e bon noticia tambe pa e miembronan di „Y” cu senyor „Butch” Tucker di Seroc Colorado a keda dispuesto pa tuma e encargo di instructor di deporte riba dje pa „Y”. Di mayoria di deportanan senyor Tucker ta bon na altura, pero e ta un specialista den baseball mes parti.

Funcion di ballet di muchanan di Irma Bakker

ORANJESTAD — Na fin di Mei proximo muchanan di Irma Bakker ta spera di duna un funcion di ballet. Senjorita Bakker, tin actualmente mas di 160 mucha na tur ta tuma les di ballet, na Oranjestad, San Nicolas y Seroc Colorado. E presentacion lo tuma lugar den Centro Cultural na Oranjestad.

Truck di cine e siman aki

ORANJESTAD — E truck di Cine dje institucion pa combati abuso di alcohol na Aruba lo pasa siguiente peluculan riba fechanan cu ta sigui aki bao y lugaman menciona:

Dialuna, 27 di April 1959, na San Nicolas: Roof Hundo.

Diarazon, 29 di April 1959, na Oranjestad: Socotero.

Diabierne, 31 di April 1959, na Oranjestad: Dakota.

Tur e presentacionnan lo cuminsa pa 7.30 p.m. y lo dura un hora mas o menos.

FUTBOL

FUTBOL

KNOCK-OUT TOURNOOI 1959

pa
COPA JULIANA
ARUBA VOETBAL BOND

ta presenta
den
WILHELMINA STADION

AVUENOCHL 25 DI APRIL 8.00 OR

S.C.A. vs. RIVERPLATE

Finale A-klasse

Entrada: Fl. 0.50

den **SPORT CENTRUM NOORD**

AVUETARDI 25 DI APRIL 4.00 OR

DOS CAMINOS vs. MARINIERS (Ganador N.)
(B-klasse)

Entrada: Fl. 0.50

den **WILHELMINA STADION**

AVUETARDI 25 DI APRIL 4.00 OR

DE WEST vs. BRITANIA (Ganador O.)
(B-klasse)

Entrada: Fl. 0.50

den **WILHELMINA STADION**

DIADOMINGO 26 DI APRIL 4.00 OR P.M.

GANADOR N. vs. GANADOR O.

Finale B-klasse

Entrada: Fl. 0.50

den **SPORT CENTRUM NOORD**

DIADOMINGO 26 DI APRIL 4.00 OR P.M.

R.C.A. II vs. ARUBA JRS II

Finale Reserve-klasse

Entrada: Fl. 0.50

FUTBOL

FUTBOL

Texas Furniture Store
VOOT
EETKAMERAMEUBLEMENTEN



ORANJESTAD —

Dalmentu di auto

Diarazon pa 6.30 p.m. na unda Nieuwstraat y Ooststraat ta cruza tabata un dalmento entre A-3657 cual A.M.J.O. tabata stuur y A-3373 cual A.F.D. tabata stuur. E danja ta worde calcula pa f. 500.—

Auto a dal homber

Diarazon pa 11'or a.m. dilanti Winkels Handel Mij. den skina di Columbusstraat, e auto A-5976 a dal e hom-

ber S.G.C. di Oranjestad. E senyor aki di 56 anja tabata keda di dolornan den pia y na su cabez y di un herida cu e la hanja na brazo-robez. E la worde transporta cu ambulans pa Hospital di Lago. E chofer S.T. segun polisan a constata por lo pronto no ta culpable pa e accidente.

FATUM — Tel.: 1845
Pa tur bo aseguronan

'Anochi di propaganda di Camera Club

ORANJESTAD — Pa duna mas propietarioan di camera oportunidad di cerca conocir cu obranan di Aruba Camera Club, directiva dje club a disidi di organisa un anochi di propaganda cual lo worde teni Diamars, 28 di April 1959, na 8.15 p.m. den Centro Cultural na Oranjestad.

Na prome lugar nan lo controla e irabacionan cu a worde entrega door dje miembronan pa e obieto stipula pa e luna aki, y despues nan lo pasa un serie di slides di Mexico.

Tur hende ta cordialmente bon-

BUFFALO ROCK GINGERALE

in de groene fles

Speciaal vervaardigd voor mensen met fijne smaak

VICTORIA BOTTLING Co.

Phone 5192

DIAMANTE NEGRO NA LINEA...

COMENTANDO CINCO Y SEIS

Desde el inicio de la temporada de doble ganador, el juego de mayúsculas a bira...

Primera Valida:

Pa habri e atardi di cinco y seis, na carrera condicional pa ehemplares naci na Venezuela...

(Carpintera por resulta un fuerte escolio durante henter e 1100 meter).

Segunda Valida:

Arriba e distancia clasico mila na grupo di 7a serie, lo sali en busca di otro victoria pa un astu...

Tercera Valida:


Den e tercera valida aki, ta nada DIAMANTE NEGRO lo defende nos linea...

Cuarta Valida:

E carrera aki indubablemente lo resulta ven di otocencia ya cu e ta ser corri entre ehemplares di gran velocidad...

Quinta Valida:

Un di e carrera mas dificil di es atardi di cinco y seis, ta e quinta pa e doble ganador...



Eduardo Cruz y apenas 50 kilos. LUNDADORA H ta promete mucho y ken sabi cu e biaha aki...

Sexta Valida:

Carrera cu lo diera suerte y mala 1700 meter pa un cupo completo di suerzio di muchos...

(Batucazo por resulta Tucuelga cu Guillermo Gavida pa cerra e atardi cu un sorpresa...

Triunfo di 7-5 ariba Nesbitt a pone High Life na cabez di campeonato

(Di nos sportreporter)

ORANJESTAD — Cu un gran relevo di e zurdito Claude Wilson...

Oru cu Muyale ta sali di robo pa segunda shortstop Bryan ta comete pitcho ariba tiro di e catcher...

Despues di esaki e zurdito Claude Wilson ta wordo yama for di bullpen...

Pitcher Baptist ta retina 10 contrario consecutivamente, prome cu despues di dos out den e cuarto...

Oru cu e huagador aki ke sigi pa tercera e ta worde saka cu tiro di e catcher pa e tercer out.

Segundo empaje den e wegá E ventana di 5-3 na favor di High Life no ta dura mucho ya cu den e segundo mitad di e sexto inning...

Despues di un out Oduber ta embasa cu pasaje gratis. Buche Muyale ta bira out number dos cu ponche...

E momento di descontrol aki di Wilson ta sigi ora e ta pasa cuatro bola malo pa Pep Richards tambe loke a...

Actividad di Ruso-nan na Mexico

LONDEN, 23/4. — E revista semanal independiente ingles "Time and Tide" dje siman aki a scribi den un articulo tocante e actividatan...

Despues di a observa cu Uruguay y Brazil tambe ta preocupa y cu Venezuela, Bolivia y Chile...


Atentado contra Fidel Castro?

NEW YORK, 23/4. — Poliznan di New York a hanja un aviso, cu algun hende a prepara un atentado...

NOTICIA DI VENEZUELA

Bolivar no ta worde devueta Gobierno Venezolano a informa prensa ayera cu situacion financiera di e pais ta bai drechando...

Dennis de Schrik van de Buurt



„Heb je hem al in Texas gezocht, meneer Wilson? Dennis heeft het altijd over zijn reis naar Texas!”

„Da buske caba na Texas, senjor Wilson? Sempër Dennis ta papia di su viahe pa Texas!”



PAREHA IMPERIAL RECIEN CASA NA CAS. — Principe heredero Akihito di Japon y su bruid, antes Michiko Shoda, ta relax aki hunto den un sala di su palacio na Tokio...

SIGUIENDO SATELITE SU CURSO:

— Esakinan ta dos stacionan oficial na Alaska cu ta siguiendo e curso di Discover den su orbito polar...

De „ARUBAANSE COURANT” ta den posesion de N.V. Arubaanse Drukkerij en Uitgeverij op Publ. Mil. en werdt gedrukt op N.V. Drukkerij „De Star”...

AGENDA RADIO VICTORIA

- 4:00 Musica di Banda
4:15 Melodiaman di alma
4:30 E Bijbel habri
4:45 Momentos musicales
5:00 Joyas del Hogar
5:15 Musica para cena
5:45 Cafe con musica
6:00 Ultimas noticias
6:15 Hora decisió
6:45 Tesoros musicales
7:00 Noticias na Hulandes
7:10 Concert Hour
7:45 The Bandstand
8:00 World News
8:10 Off the Record
8:30 Back to the Bible
9:00 Musical Gems
9:30 Haven of Rest
10:00 World News (repeat 8:00 news)
10:05 Hymns that live
10:30 Sign off

TOT STRAKS IN TROCADERO



Haafnan di Corsow aindá ta paralisá

Un solución rapido ta indispensable (Di nos corr. na Willemstad)

WILLEMSTAD: — Manera nos a publica ayera trahadornan di haaf a declara un wegá general...

Exigencia di e trahadornan ta pa 30% di aumento di sueldo. E bondnan local for di principio a distancia nan for di e wegá.

Ningun bapor no por descarga ni carga, mientras cu ayera e portanan di haafnan a worde cerra pa orden superior. Unicamente na Nieuwe Haven ayera tabatin un baporcito „Além”...

Reclamo di e trahadornan ta cu for di Augustus 1957 ta e ultimo biaha cu nan a hanja aumento, mientras tanto costo di bida a sigi subi. Indicador di costo di vida ta mostra cu esei ta berdader, pero leu di 30%. Segun nos a tende na ultimo momento parece cu e trahadornan ta dispuesto na acepta un aumento cu ta di acuerdo cu realidad di costo di bida y na e caso e nan lo laga e bondnan — Federacion di Union di Trahadornan di Corsow — Federacion di Trahadornan Antillano — unio to cu e intermediario di Gobierno y e representantenan di e companianan di bapor arregla e decision tocante di un aumento.

Seagram's V.O. CANADIAN WHISKY "Honoured the world over" ARUBA TRADING COMPANY Oranjestad - Aruba

PA UN SALIDA SUAVE Y SIGUR Bateria WILLARD di maxima potencia. Spas glasflit, obtiene mas kilometraje. No motor na la desgasta, obtiene economia di combustible. Pa mi salida instantanea y suave bateria marca WILLARD di maxima potencia. Alejo G. Th. Arends P.O. BOX 107 Aruba

Dennis de Schrik van de Buurt. „Heb je hem al in Texas gezocht, meneer Wilson? Dennis heeft het altijd over zijn reis naar Texas!” „Da buske caba na Texas, senjor Wilson? Sempër Dennis ta papia di su viahe pa Texas!”

NOTICIA
di e
DISCOTECA
di
A.B.C.-STORE
Nassaustr. - O'rad
Tel. 1814

Nos ta ofrecebo nos coleccion uobo:
"THE FLIRTY JOE" 2 disco LP cu
e.o.

Riba no. 1:
"Little white lies"
"You're driving me crazy"
"Blue moon"

Riba no. 2:
"Music, Maestro please"
"The object of my affection"
"My heart belongs to daddy"

Ademas nos tin tambe:
riba LP di Capitol "The very
thought of you" un coleccion di
e cancionnan di Nat King Cole
y riba 45 rpm: "Return to me" cu
Dean Martin.

ARUBA ARIBA Y RIBA ARUBA
unicamente... e mejor

EGG LAYING PELLETS

Si bo mester ademas: Oyster Shells,
Granite-Grits y Rabbit Pellets acudi
na:

AREND'S AGENCIES
TEL 1478
Wilhelminastraat 14A

S. N. ECURY N. V.
NASSAUSTRAT ARUBA

Ata nos atrobe cu un oferta y precio
escandaloso especialmente pa mue-
blesnan di kamber, di fabricacion
Americano y Europeo di ultimo estu-
lo y cu colornan di ultimo moda —
na precio sumamente barato.

- ◆ KASHI DI KAMBER di mahoc di
dos y tres porta di: Fl. 125.—
te Fl. 350.—
- ◆ JUEGO DI SALA di toer colornan atractivo cu prijsnan di lo mos barato oribo
plaza.
- ◆ JUEGO DI COMEDOR di metal di color di fantasia, compuesto di cuatro y seis
steel. — Prijsnan maton.
- ◆ MUEBLES DI VERANDA Y DI PATIO, tanto di cabane como di metal.
- ◆ LAMPI DI SALA di color sublime cu ta duno tono n'e conhunto di bo mu-
sionan.
- ◆ LISKAST marca "PHILCO" di poco consumo electrico y di masha bunita estilo.
- ◆ Y no lubido cu ta aki ta caminda bo por hajar MASHIN DI LABA-PANJA y di
COSE. STUOFO DI GÁS y di KEROSIN di diferente modelo y tambe na prijs
condicionnan cu ningun otro por ofrece bo. Tur di primera calidad.

Haci nos un bishita y convence BO mes !!

AIR-CONDITION YOUR HOME AND OFFICE !

**BO TA SINTIBO OTRO
CU
AIREACONDICIONADO NA CAS
Y
AIREACONDICIONADO NA OFICINA**

Adios calor, adios stof, adios boroto,
adios sudor y e ta costa menos di loke
bo ta kerê

ELMAR

Romulo Betancourt invita na Egypto

Cairo, 23 april: — Presidente Nasser di Republica Arabe Uni a invita su colega Venezolano, Romulo Betancourt, pa haci un bishita na Egipto.

Asina e ministro di nananan, Juan Perez Alfonso, a informa un periodista. Ayera Nasser a ricibi e 13 miembronan dje delegacion Venezolano cu ta atende e conferencia Petroliero Arabe y el a ricibi e ministro Venezolano den un audiencia extraordinario, cu a dura 3 cuartos di un hora.

Raket "Thor" tabatin exito

Cabo Canaveral, 23 april: — Forsa Aero Americano a hajar bek e raket "Thor", cu a ser lanza na Cabo Canaveral awe mainta. E raket a alcansa su doel y durante tur e faseyan dje vuelo nan a ricibi e informacion cu e raket a transmisi radiograficamente.

E aparato a cubri un distancia di algo menos cu 2400 km, cual distancia ta su limite.

E autoridanan ta referi na e hecho, cu ta di 4 bez, cu nan ta hajar bek nanishi di un "Thor", despues di su lanzamiento.

Dulles consehero di Casa Blanca

Washington, 23 april: — Presidente Eisenhower a nombra ex-ministro John Foster Dulles consehero extraordinario oficial di Casa Blanca pa asuntonan tocanente politiek exterior di Merca. Eisenhower personalmente lo bishita e hospital na unda Dulles ta keda, pa e ta presente na e huramentu.

DI E CAMPEONATO DI VOLLEYBALL
(Di nos sportreporter)

ORANJESTAD — Ariba cancha di La Fama na Savaneta a wordé hunga e siguiente partidonan di e campeonato di volleyball. Di masculino clase B Estrella a gana Brazil Knights 2-0; mescos cu Subi Sompore a haeci curita di e damanan di Estrella. E otro encuentro femenino a termina den un facilismo victoria

PAGINATRES
Catoliconan na Portugal ta pidi investigacion di maltrato di prisioneronan

LISBOA, 23/4. — Un grupo di 45 catolicos, entre cual 6 pastoor, a scribi un carta abierta na e prome ministro portugues, Oliveira Salazar, den cual nan ta pidi pa forma un comision, pa investiga e maltrato, di cual un efecto cantidad di prisionero politico ta victima.

"E censura, propaganda y eficacia dje medionan di opresion mes, asina e carta ta bisa, a haci posible pa scende e metodenan aki pa hopi tem-

po for dje pais, pero algun tempo pasa opinion publico a cuminsa studia e asunto y awor e ta rebela".

Despues di a menciona algun caso di maltrato, tocanente cual e ta pidi un splicacion, e firmantenan dje carta ta bisa cu nan ta spera cu e investigacion lo haci posible "pa afeha e lider di gobierno y dje regimen for di responsabilidad y na un cierto manera for di nos tambe, pasobra nos ta sinti nos solidario como catolicos, cu un autoridad, cu tin respaldamento di iglesia".

Pa e ora el sol, asina e carta ta continua bisando, lo por logra pacificacion heradadero dje pais y lo por restaura un frente nacional, cu algun catolicos tabata kier libra.

E firmantenan ta bisa cu e hecho, cu e prisioneronan politico ta comunistan, no por ta excuus di gobierno, pasobra "si wordé muestra, cu comunismo ta un error y cu algun di su metodonan ta criminal, e comunista ta ser humano y cristianidad ta hajar un meser respetu tur hende sinja y nester respeta e consenshi."

HEINEKEN'S CONTRA AMSTEL AWE NOCHI
(Di nos sportreporter)

ORANJESTAD — E dos novenan AA di San Nicolas lo enfrenta otro awe nochi den Wilhelminastadion. Esaki lo ta di tres biaha cu Amstel lo sali tereno pa trata di gana e novena di Heineken's. Den su dos promer intencionnan Amstel a falla perdendo promer cu score di 18-6 y luego den e segundo rond cu score di 10 pa 5.

Portidonan pa owe nochi

E programa di weganan ta muestra cu awe nochi lo enfrenta otro ariba cancha di Rapid. Don Bosco Dragocans y Brazil Knights di masculino clase B, Rapid II y Caribbean Stars di e departamento femenino y di clase A masculino Rapid II y Mariners.

Refugiadonan Boliviano

LA PAZ, 23 april — E corant Boliviano simpatisador di gobierno "La Nacion" a publica nomenclario di 17 ciudadano, cu a busca refugiado den varios embahada y den e Nunciatura Papal. E embahadanan ta esnan di Peru, Brazil, Argentina y Chili. E cantidad di hende detenido no a ser publica, pero ta aparente cu ta varios eien hende. Ministerio di asuntonan interior a anuncia, cu varios detenido a hanja nan libertad eha y cu algun otro lo hanja nan libertad pronto.

Irregularidad na Jamaica

Kinkston, Jamaica, 23 april — Cortadoranan di canja a causa irregularidad aha na e plantacion "Monymust", di West Indies Sugar Company, den vecindario di Clarendon. Hopi persona, entre kende hopi poliz, a hanja danjo. 20 persona a ser arresta. Motibu dje irregularidadnan no ta conoci.

Discusion Hulan-des-Aleman a termina

BONN — Ministro di asuntonan exterior aleman a informa awe tardi, cu awe e discusionnan na Bonn entre e delegacion Hulan-des bao di direccion di Dr H. R. Van Houten, director-general di asuntonan politico dje ministerio di asuntonan exterior y funcionarionan di e ministerio di asuntonan exterior Aleman occidental, a termina.

Segun e anuncio nan a discuti tur e asuntonan cu tin conexon cu pago di danjonan di perhucio dje gobierno Aleman occidental na e victimanan Hulan-des di socialismo-nacional. E delegacion Aleman tabata bao di direccion di embahador dr. Lahm. E discusionnan dje asunto aki lo continua sin postponement.

E anuncio Aleman a bisa cu e aspeccionnan financiero dje pago di danjonan di perhucio a ser discuti eha.



PUNTO DI CONTROL NA FRONTERA: — Guardianan Indio ta para na e porta cu ta cera un caminda cu ta separa India for di Tibet. Aha medicina ta wordé carga tras dje punto di control Indio y nan ta wordé entrega na e oficialnan. A wordé reporta cu e Partisannan Tibetano ta grupando na algun dje lugarnan cu nan por sconde aden den Himalaya pa nan sigui ataca e Comunistanan Chines.

Cumplanjos feliz

Awe ta celebra su promer anja di feliz existencia, e chikiti Enrique Julian Henriquez y ta ricibi felicitacion di su tata, mama, rumannan Jacinto, Martin, Theresita y Maria, pepe Carmen Tromp, omie Cecilio, primo Toni y familia Wolff, especialmente di su amigo Rolando Tromp y familia Hayden.

Ta celebra nan 12 anja di feliz union matrimonial e distinguida pareha Senjor Hose Anselmi Figueroa y Sra. Simona Martina Figueroa-Tromp. Felicitacion ta bini di nan 7 jumnan, majornan, rumannan, cunjanan, swagru, tur sobrinanan y especialmente di familia Figueroa Tromp. Senleceer Kelly, Ruiz.

Senjora Anna Maria Flasegild, ta ricibi felicitacion di su esposo, Julian Carmen, Angel, Nico, Max, Mena, Martin, Chita y Jacoba, tambe di suegra Maria y demas familia Tromp. Flasegild, especialmente di familia Tromp di T. Flip.

Awe ta celebra su feliz cumpleaños Senjor Johan Tromp y ta ricibi felicitacion di su esposa Coleta, tambe di su jumnan Lina, Rica, Arlinda, Eddy y Glenda Tromp.

Hopi felicitacion ta bay awe pa Cornelia Marijita, pa parti di su esposo Estanislao, jumnan Miquelita, Silvia, Felix, suegro Pedro, nicionan, mama, padraso, rumannan y sobrina, di tur familia, especialmente di su ihanan Alec y Lula.

E hobencita Marcelina Evertsz, kende ta cumpli 10 anja, ta ricibi felicitacion di su mama Irene, padraso Eugenio, rumannan Boy, Nico, Chechi, Alec y Lula, welanan na Bonaire y Aruba, tur su tio y tianan, prima y primoan, tur familia, tambe di su madrinda Mathilda y padrino Stando.

Ta cumpli 2 anja e hobencito Fidel Webb y ta ricibi felicitacion di su tata Mitula, mama Viviana, rumannan Marti, Luvia, welo Jose, wela Mariana, rumannan Nita, Gijji, Eliza, omonan Basilio Pascual Mai Eve, pepe Balbina Barrios, omie Dominico Arends, bisawela Clarita, especialmente di su amiguitanan Mikel y Robby Geerman y Benny, Choi, Giel, y demas familia Webb, Gomez.

E hobencito Jorge Herald van der Biezen, ta celebra su feliz cumpleaños y ta ricibi felicitacion di su tata Max, mama Chichi, rumannan Efi, Chomenc, Didi, Lindo, Lian, Vojen, Jossy, Tan, Fefe, Mai, Edna, Juan y Mariana, welo y welanan y demas familia.

**PA BISTI DI
Primera Sta Comunio
LA ELEGANCIA**
Oranjestrad-7B - Oranjestrad

Nutricia MILK POWDER is Nutritious

AGENDA
DIABIERNE 24 DI APRIL
CINE

DE VEER
8:30: "Lente, herbst en Noga"

RIALTO
8:00: "Hidden Fear"

PRINCIPAL
8:00: "Joan of Arc"

AURORA
7:30: "Das almas en el mundo"

SAVANETA
7:30: "Paris holiday"

TAORO - MANGO juice

PARTERA DI WARDAL
Zr. E. S. T. Braumuller, tel. 1355

DIASABRA 4 DI APRIL

Botica di Warda:
Oranjestad: Botica del Pueblo
San Nicolas: Botica San Lucas

"A.A."

Clubgebouw
canto di lama dilanti di Strand Hotel
Habr:
Diasabra nochi di 7:30 'or. Tel. 2341

Tur cos tin su rentaha y desventaha.
Tur cu ventaha ta solamente...
MERCEDES-BENZ
KUSTERS TRADING CO.
Oranjestad tel. 1012

RADIO CARACAS TELEVISION
Canales 2, 7 y 10

Viernes 24 de Abril
7.55 Marcha Oficial
7.57 Informacion programas del dia
8.00 Lo de hoy
8.30 Pelicula
12.00 Show de las doce
1.15 Su novela Fib-Vorita
1.30 El imparcial Fiestone
2.00 Pelicula
4.00 Club Femenino
5.00 Cosas de mujeres
5.30 La perfecta ama de casa
6.00 Show de Renny
7.15 La novela ACE
7.30 El investigador submarino
8.00 El observador Creole
8.15 Su novela Palmolive
8.30 El Programa Good Year
(Mike Hammer)
9.00 La novela Camay
9.15 La novela L&M
9.30 Cletorama
10.00 Cortos cinematograficos
10.30 Cineprograma
12.00 Despedida—Himno Nacional.

NOBO NOBO NOBO
Nassaustraat 34

A'caba di jega.
Daeron pa film di caballero — 60"
di hanchera — "Wash n' wear" den
hepi color — Panja bunita pa Santa
Comunio y tambe panja pa bai mi-
sa y fiesta — especialmente panja di
catocna "drip-dry" den bunita di-
senjo y panja di bordura den varios
color.

E berdura i frutanan di
KEES GROCERY N.V.
Tel. 1079
Semper ta fresco!

E STEM INOLVIDABLE
pa: Tuyuchi

No. 38

"Gabriela, casi mi no por recono-
ce bo mas. Qui un hunita shimis bo
lin bisti ai. Larga mi mira bo bon".
El a camina bai meimei dje saton.
na unda abundanthenan solo tabata
tura su rayonan den e uciabanan,
consiente dje admiracion den wowa-
nan di Paul.

Y pa expres el a informe:
"Pues, cu hanjamento di bo tra-
jetan bo por a recorda algo di pasa-
do?"

E mucha muhe su camu a bira tristu
mientras el a responde:
"Nada, absolutamente nada".

MESKER
ta drecha mi meubelman

"Enfin, esai a ta importa tampo-
co, pasobra cu tempo lo bin hanja
bo memoria toch", el a responde
pura y e cambio di curso dje cam-
binan cu no tabata mucho agrada-
ble. "Con bo ta hanja e fiat aqui,
Gabriela? E n ta hunita? Bin mira
aq'ii banda".

Awor su wovonan a para riba e
mobiliario dje cuarto; un tapiz ma-
sho dihi y caro, un bloschi masha
grandi re' wao, un spiel cu bo por
a mira enter bo curpa den dje, un
kasti di dor' plat, un meso pateru
tur na eoi' glas y tur sorto di kelki,
glas, schanal, etc. den dje, un piano
di un hea marca, un radio, cu pick-
up.

Luego Paul a sigui su dilanti pa e
haj muetra e sala di ricibi bishita cu
tabata mes hunita robe y masha lu-
hosamente dorna, el a bai awor na
un comedor chiquito, cu tabata con-
fina na un cushina moderna cu lisk-
kast, wasmachine, mixer y un forno
electrico.

"Esta hunita y orden tur eoa ta
aq'ii", el a expresa contra su boluntad.
"Mi ta quere cu lo mi biba a-
qui manera un princesa".

Ta manera un luz nobo a bin den
su wovonan y ta manera e cansancio
a quita foi dje. E tabata hari na su
manera elegante y atractiva.

Y Paul a bis'e:
"Ahan si. Ma cabu di cerra cono-
ci cu un dje habitacionan di un dje
flatnan aq'ii pega cu lo. Esaq'ii ta
parece mi eberdad un poco mas bieu
cu bo, ma esq'ii tambe ta un hende
masha carinjos. Quiere decir cu lo
bo hanja bon bicina".

"Esai ta sublime, pasobra hende
no por biba sin bicina. Mi quier a
hai cu algun panja na eas di bo ma-
ma. Paul, bo ta quere cu nos por
hanja un of otro maleta chiquito a-
qui?"

Nan a busea hunto tur camina di-
haco, pero despues Paul a bin hafi-
ja un rol di papel di empaqueta cos
y el a bisa:
"Pone loke bo tin aq'ii den e pa-
pel noma. Y nos ta pone esq'ii pa-
tras den auto y si nan masha mes,

bo por strika nan semper ora bo yega
cas di mama."

Ora cu tres cuarto di ora despues
nan a yega cas, ya e senjora tabata
spera nan den hardin.

Naturalmente e muhe aq'ii tabata
contento cu Gabriela a gusta e flat,
sin embargo e tabata mas curioso pa
e sa cu e muhe por a recorda algo
siguiera di su pasado ora cu el a abri
su maletin nan aya.

Peru cu su franqueza di caracter,
Gabriela a bisa e muhe cu nada cu
el a hanja dje e maleta no por a yu-
de recorda algo.

"Enfin, larga nos spera numa, pa-
sobra tur cos ta socede na su tem-
po. Lo nos no forza nada."

Y un poco irita Gabriela tabata
bisa cu ta wel masha facil pa bisa ca-
la bez:

"Ai, n ta importa nada. Na pre-
ocupai bo", mientras tabatin momen-
tonan cu eberdad Gabriela tabata
ser ataca pa semehante ataquenan
manera panico. Na ningun camina e
no por a hanja siguiera un rasgo di
su vida anterior, prome cu e fatal dia
di December.

Hasta e no tabata sa ta quende e
ta, quende su majornan tabata, quende
tabata su esposo, e no por a re-
corde e yiu cu practicamente lo e
mester a perde dos anja pasa y di
quende e mes no por recorda su exis-
tencia. Si e sigui asina, a lo largo e
pensamentonan aq'ii sol ta capaz di
porte bira loco. Ta unda el a nace?
Ta unda el a bira tur e anjanan? Cu
dificultad e tabata subi di dominio y
estraccion cu tabata ataca. E hende-
nan aq'ii tampeco no por a yu' de-
cafi e y e no quier a ser un molester
contando pa nan. Nan tabata haci tur
sua posible na trat'e carinjos y con-
sole.

Y sin embargo nada di esakinan no
tabata hiba ni un stap mas leu. Pa
poco e por a bira loco. E mester a

trata na queda calmo y domina su
nervianan, pasobra e situacion aq'ii
no ta dura mucho mas. Mester un
aclaracion di qui manera cu ta.

Senjora Rochester a queda ta ri-
para e traje cu e tabatin bisti, e za-
patanan, e panjanan interior, cu el a
bini eun'e, e bato, den speranza di
por a hanja siguiera un solucion foi
e problema aq'ii.

Tur loke e senjora Rochester ta
pensa awor, Gabriela tambe a pensa
mescos eha. E unico cos cu ainda
tabata molestia su pensacion, cu e
mester tabatin placa na un camina,
sino lo e no por tabata por a permi-
tise semehante trajenan caro asina."

Corto despues nan tabata sima den
comedor, na cena, un comida cu sen-
jora Rochester mes a prepara.

Gabriela tabata silenciosa y e sen-
jora cu su yiu tabata for'e comber-
so pa hacie contentu. Y ta di com-
prende cu e tabata haci tur su posi-
ble pa e no porwie nan tambe verdiet,
pasobra e no tabatin basta palabra
pa gradici nan pa tur loke nan a
haci te awor p'e. Y tambe e tabata
sa cu no tabata husto pa e correspon-
de tanto carinjo di mama y yiu asina
cu sonhria melancolica.

E bishita aq'ii senjora Rochester no
a protesta ora cu Gabriela a yude qui-
tiza mesi. El a comprende cu trabao
tambe lo tabata masha bon pa sorto
di hendenan asina. Quizas mes lo
tabata masha bon p'e si el a busea
un empleo, cu tabata tene preocupa-
den dia y e ora ai lo e no tabatin
tempo pa e eoi den desgusto ni de-
sesperacion.

Huzgando su panjanan, e muhe no
tabata un hende cu tabatin nodi di
traha p'e biba, pero trabao no ta un
estorbo. Al contrario; den e caso aq'ii
e ta sigui

Oduber & Kan inc.
Opticians tel. 2193

Solo ta manda luz pa nos, pero tambe
 rayonan ultra-violet i Infra-corra. Esaquinan
 ta peligroso. Protege bo wowo cu un bon bril
 di solo.

ODUBER & KAN
 OPTICONAN DEN NASSAUSTRAT No. 47

CISCO KID

1) Riba un pamflet: 1000 dollar di premio pa Max Malo — vivo o morto. "Oei, esta un cara di bandido". 2) "Lo mi no kier topa cu e tipo ey ni pa mil florin". 3) "Mil florin. Claro cu mi kier topa cune auto".



JUAN EL INTREPIDO

1) "Segun mi ma reconece e cara di e homber halto ey, banda di e lift... con e llama y unda su cuarto ta?" E llama Shill, su cambur ta number 504. 2) "Mihor mi no precipita te ora mi hanja sabi di kiko e ta bai. Ah, voz di Nago...". "Bon... awor cu nos ta so, bisa mi kiko bo intencion ta...". 3) "Mi kier sabi si cierto marinero a papia algo di un suma di placa prome cu e la muri". "Ah, Spratt no tabata aclara ora e la menciona asunto di e millon di dollar. Y e boeki chikito cu nan duna mi mester revela su parado...".



DICK TRACY

1) "Esaki si ta increíble". 2) "Esaki si ta placa. Mester tin como millones". "Si, e slot ring a laga su propiedad intacto". 3) "Y, señores, como esun di mas biecu mi tin noticia pa boso. E la laga tur su rikeza pa cu ruman homber cu tin un negoshi". "Con bo di?" 4) "Bo kier mecu e homber chikito alla cu llama E. Kent Hardly?". "Nan tabata desgraciado cu nos nomber, bon mes nan tur a muri". "Wel, Kent".



RIP KIRBY

1) "Pa kiko bo ruman morocho...?". "Un momento, Rip. E cria ta bini". 2) "Danki Jenny, bo por bai numa awor, mi no tin mester di nada mas". "Masha bon, madame". 3) "Mi no kier pingun hende hanja sabi. Esaki parece un locura, pero mi tin miedo pa nan no mata mi ruman".



EL PRECIO DEL TRIUNFO

1) "Mira, loco...". 2) "Lalo a dal e homber abau, cu e a buelta. 3) Ta manera Lalo a bisa pa dilanti, e homber a bay cay den e prullemand. Asombrosa exactitud, Sr. Saxoni Pasa bo, por favor".



EL DIARIO DE UNA VIDA

1) "Aah... danki Eva!". "Bo a sali gana di 255 punto! Cuanto tempo bo tin cu bo no a hunga?". 2) "Casi un anja. Mi no quier papia durante e proximo tres horanan aqui...". 3) "Solamente di bo... y loque bo ta nifica pa mi!".



PEPITA

1) "Papa no a lamta ainda...". "Oh, Dios mio!". 2) Pepita cu Daisy a laga tumba pa cambur di Lorenzo. 3) "Lamta, Lorenzo!". Pepita a coge su esposo na su pia, lastre for di cama. 4) "Mi ta lamta o ta nachtmerrie mi tin...?".



W
A
T
K
A
N
K
A
N
K
A
N
K
A
N
A
L
L
E
E
N

Pa e mihor
Regalanan
di comple-
anjos

Refrescante
BALS P.K.



SALUDABLE... DELICIOSO!

no lubida cu cada pedido bo ta hanja
6 botter of un recki gratis.
Pa haci bo pedidanan, jama 1418 of 1152
CONTAL AGENCIES

NOS A CABA DI RICIBI

GLAS di KRISTALUNIE

di Maastricht

DIEZCUATRO diferente sorto;

☆
PRIJS DI FL. 5.25 PA RIBA PA CADA 6 PIDA

☆
Den corto tempo e bunita glasanan aki, troha na man
y bunita empaqueta, a bira masha popular.

☆
Nos tin un coleccion completo atrobe na existencia di:

**SET DI GLAS
DI COLOR**
Provecha y cum-
pra nan cerca



KAN, Inc.

**Awe Dalai Lama lo tin un encuentro
cu premier Nehru**

Mossoorie, 23 april. — Mayan lo tuma lugar na Mossoorie e discusion asina tantu spera, entre e Dalai Lama y prama ministro Nehru. E discusion aki ta tuma lugar na un momento, cu e relacion, nan entre India y China ta leew for di bon, como resultado dje declaracionnan na Peking, segun cual India tambe ta responsable pa e rebelion Tibetano.

Observadornan ta kere, cu e Dalai Lama a informa Nehru caba dje motibunan di e rebelion, cu a causa e Dalai Lama di hui for di Lhasa. Ta probable cu un funcionario indio, kende a combersa cu e Dalai Lama riba e prome dia di su yegada na Mossoorie, a duna Nehru un Raport dje sucesonan.

Observadornan ta di opinion, cu experiencia a convence e Dalai Lama dje hecho, cu no por tin un Tibet berdaderamente autonomo cu un estado manera China Comunista. Toch ta parece cu e no ta contra un arreglo, segun cual Tibet lo hanja autonomia den su asuntonan interno. Ta probable cu Nehru lo pidi e Dalai Lama lo por efectua un tal acuerdo.

Un dje sugestionnan cu a ser haci ta un arreglo pa e relacionnan, segun ehemplo dje relacionnan entre India y Bhutan. Na Bhutan India ta encarga cu defensa y asuntonan exterior dje reinado chikito ey. Observadornan ta di opinion, cu e Dalai Lama no ta contra un tal arreglo. Pero lo ta masha dificil pa gana Peking pa un tal solucion.

E prome ministro indio ta completamente consciente dje hecho, cu e teocracia tibetano ta un anacronismo, cu ta destina pa desaparece. Ta sigur tambe cu Nehru lo pidi e Dalai Lama pa expresa su mes na favor di reformacionnan na Tibet. Ta sigur cu e opinionnan di Nehru lo influencia e "Dios-Rey" hopi. Observadornan ta kere cu no ta imposible cu e Dalai Lama lo haci un declaracion prome cu e encuntra Nehru, den cual el lo expresa su mes na favor di reformacionnan urgente na su pais.

Frontera di Nepal no a ser viola

Ministerio di defensa di Nepal a informa awe, cu e no sabi nada tocante un posible violacion dje frontieranan norte dje pais, door di trupanan chinas.

E corantnan na Katmandu a duna informacion di varios violacion dje frontera di Nepal, den parti norte dje pais.

Awa a sigui haci danjo na Uruguay

MONTEVIDEO, 23 april — Awa ta sigui yobe na Uruguay. E rionan cu a baha un poco, a subi tera atrobe. Na e dam Rincon del Bonete, Rio Negro a bira un rio mas bruto cu nunca y e ciudad evacua Paso de los Toros ta completamente bao di awa. Si e dam di Bonete no por wanta e presion enorme mas, e ciudad Mercedes tambe lo mester worde evacua. Habitantenan ndje ciudad ey ta cla pa evacuacion. E avionnan cu ta duna asistencia ta worde stroba hopi door dje awaceru, cu a limita nan bista asina tantu, cu casi nan no por mira nada.

Actuacion di ehercito di Liberacion
Radio Peking a informa awe, cu casi 2000 rebelde tibetano a muri of a hanja herida entre dia 8 y dia 21 dje luna aki, door dje trupanan dje ehercito nacional di liberacion di China, cu a actua na Tibet. E accionnan purificativo ta tuma lugar satisfactoriamente y lo no dura mucho prome cu "e reaccionarionan a ser haci inofensivo". Esaki asina e radio-emisora a bisa, ta un victoria nobo grandi pa e ehercito di liberacion